

嶺海名勝記卷之四

粵南郭棊篤周甫編

白雲山記

謹按羊城北十五里為白雲山所謂天南第一峰也以山多白雲故名山勢巖從群峰環列其右景泰其左月溪其下有九龍泉其流為大小水簾洞宋方信孺所謂重重掛玉簾處也其北有鶴舒臺宋康與之所謂鶴去臺空景物殊即此也又北一里曰虎頭巖曰賓象峯上有動石



有虎跑泉折而西南五里曰栖霞山宋白玉蟾
有栖霞晚眺詩蓋嘗住此也其下有太霞洞即
景泰雲峰昔有禪師卓錫得泉于此今泰泉之
水出焉有玉虹飲澗洞洞上有閣其南曰聚龍
岡又折而西曰御書閣以宋高宗御書而名也
嘗觀白雲之山亭亭崒岬如翔鸞舞鳳直趨會
城諸峰從之並竒競秀誠三城之靈趾而一方
之巨瞻已吾粵人文之所挺發孰非茲山之所
攸鍾哉今白雲有甘泉書院景泰有泰泉書院

月溪有黃鐵橋精舍其中又有天游書院於虜
不有先覺孰開我人若諸先生者其殆天民之
先覺而後學之型範也其為茲山光豈有窮已
時耶爰標其勝作白雲山記

記類

新創白雲書院記

湛若水

嘉靖庚戌三月明生甘泉翁遊于景泰之下謁黃
宮詹祖考粵洲府君之墓泰泉公私與人曰盍為
泉翁卜書院為山隣以告曰未有主者白雲毀寺

之基其可遂聞於府別駕曾君廣翰是月十日其
泉翁與寶潭鍾子景星冢山郭子肇乾兩灣康子
時聘季子涑之出天閔主事李少偕時行先候于
小北門共往觀之過上塘村曰此白雲洞口也一
水滔滔自北而南行七八里過石坊曰黃家山庄
仰見一樵來從山頂如自天而下如虹如橋縹緲
如行空中至路口又有一逕來合於是迤邐而東
過戴家墓東由私蹊而入焉諸子請立白雲書院
與諸生遊學其泉翁可之嘆曰高矣美哉第由私

蹊捷徑而入不似吾心因知右景泰泰泉黃公得
之左月溪鐵橋黃公得之皆毀寺之初也於時為
易而此寺獨若鬼隱神秘而無有取之者夫三寺
者白雲之山之三勝也左右既先主于二黃矣而
此地獨留之二十八年以待予豈人謀所能及哉
韓子言天作而地藏之以遺斯人今天作之矣地不
藏之矣而人藏之以待予焉又信天地人三益於
予而不受者之難也是月廿日載觀焉復出小北
門度上唐村而北而黃家庄而僧歸亭舊址下有

丘隆然如口顧謂左右曰此可石坊為白雲書院
先門也遂立第一山并書雲歸亭又扶而上由戴
墓之左遵界而南小憇於懸崖之亭曰留仙亭曰
此可安安期生也由南而東為故寺鶴舒臺登焉
曰此安期生飛昇處也誌之更築湛子著書臺焉
東指曰由此可達月溪歷茶坡而北竚立為書院
中門三司之所建者於此觀書院之基高敞盤鬱
頂峯尊崇群山護之如丈人儼然中居而童冠環
列拱立然乃闢荆榛由此中道入雲生門過倚雲
門而上曰此所乃陳小江大巡貺金修創門樓扁
立白雲書院處也由門樓下升大道堂入遵道門
曰洞開重門無少私曲不亦如我心乎夫然後內
外之一也北憇于九龍之泉泉出泠泠冬不絕聲
以注于九龍之口或曰此記所稱九童子進安期
泉也翁曰且置勿論而其生生無窮逝者固如斯
夫亟雜草萊而坐焉遵道門之內為尊師祠塑白
沙先生像北堂扁曰觀生堂堂之前築臺曰觀泉
臺又昇而上脩講堂五間扁曰盡存堂立碑立孔

聖四配像為諸生瞻仰又升而上為坐堂五間扁
曰坐進之堂蓋與諸生靜坐於此云仰扳絕頂披
蒙茸逐雲日書刻第一峰絕頂中立洒然四顧無
山與之齊者又不知山之上有天馬以入于無窮
令人直欲插羽翰乘日月凌倒景以觀世界以遊
無何也其東北為左高峯西南為右高峯俯視南
極為三島洲為抱竒山為青蘿障為波蘿為虎門
為洋海歷歷皆在几下堂之左右以前有三枯榦
無皮理連枝花盛開如明珠萬顆所謂三珠樹六

枯閔固自古記之青蘿王子謂蝴蝶洞有唐時枯
非此類與異之或曰此百年枯也僧惠傑所植曰
世豈有百年枯哉非此山之瑞乎忽聞雲外有歌
者曰白雲山高兮高入天登高望遠兮輕人寰隘
六合兮忘晨昏童子入雲兮采藥人不見兮空聞
言濯龍泉兮自清倚珠樹兮盤桓又歌曰白雲鴻
濛兮宇宙為家混天地萬物而不分兮浩其無涯
廓乎吾廬兮不返廣居不居兮君謂之何於是諸
子請問盡存之義翁曰勿忘勿助之間心斯盡矣

夫忘助皆蔽虧之者也如彼日月物無蔽虧圓滿
明光普天照耀故心盡則廣大高明之體全而廓
然大公天理見矣是謂知性是謂知天即一念而
不息終日乾乾收拾此焉以有諸己是謂存心夫
盡斯存斯斯中物也道也心也性也天也一也即
盡即存一心不息知性養性知行並進直達天德
天德在我天命我立萬化我出我與天一斯聖人
之學備矣諸子誌之諸生前曰請記于石以示來

者庚戌三月

天游書院記

林俊

羊城之山其最勝曰白雲曰西樵故為方外之所
附著自陳石齋養尚白沙氣義歆發高竒之士往
往托山水自見西樵之烟霞湛甘泉主之泉石方
西樵主之白雲之天游又為天游子之所物色或
閉蟄以俟時或流遯以終老或命物以寄興氣機
發祥雲物生色始覺二氏不能獨當當之者固吾
人也天游子請予雲莊請記按白雲去羊城舍許
所謂天南第一峰也以山多白雲故名又洞曰白

雲曰紫雲臺曰鶴舒澗曰蒲澗幽邃清野相傳安
期生餌九節蒲是澗故宅白雲也繆悠之談吾惡
乎及之天游子有趣尚落足是山一夕夢異人謂
曰盍往天游指所歷徑以去翼日循行青碧間度
古澗憇長松殘字隱隱厓壁曰天游曰雲卧方悟
夢之為真噫異哉夢由心生者也虛故神神故感
然俗緣未斷凡局依然無越槐南枕中之記而剖
腸授筆殆又雕刻鉛槧無謂之彌文蒙莊子曰心
無天游則六鑿相攘有天游無係也升落非譽無

足介于中游太虛寄霞外以自適脩絕出塵之趣
夢之所告心之神也神之所感心之寂也而真
境固在夢非誠夢夢而真者也言念疇昔誰固為
之於今誰固授之真而夢者也天游子有四方之
事而孤風遠韻决不使列壑獻嘲兩雲騰笑無害
乎夢亦無失乎真易曰時止時行動靜不失其時
天游子知易者而竟歸于夢則又天地萬物所不
能遺天游子又惡得而避之天游子陳姓錫名祐
鄉字

白雲三變說

王漸遠

主事

甘泉翁作白雲記謂仙變釋釋變儒王子讀而嘉之曰其變之終於正矣乎遂書白雲三變扁而揭焉復為之說曰白雲者吾廣之鎮山也蓋自安期生之居於斯也有九童之泉鶴舒之臺蒲澗蹟焉而白雲變於仙自釋迦之西來也梁武倡之達磨成之大雄氏尸焉而白雲變於釋自浮圖之廢於廣也魏莊渠主之甘泉繼之書院創焉而白雲變於儒夫變也者趨時者也儒也者反正者也故莫大於時莫重於人秦之仙也無安期生弗變也梁之釋也無達磨弗變也皇明之儒也無甘泉弗變也是故白雲之三變其終於正矣乎或曰能免其弗變乎曰營之以甘泉尊之以大聖配之以四賢佐之以白沙雖千萬世不變焉可也雲乎雲乎吾知其免矣

詩類

五言古詩

同社遊白雲寺

李德

捫蘿扣禪關長嘯青雲巔
山開西北日水豁東南
天涼葉散虛席暝林啼清猿
浮雲觸石起頃刻徧
大千悟言造真境談空忘至言
何當登絕頂俯視
蒼蒼烟

訪鶴舒臺

黃佐

香山
大學士

天池集南翼帝車迴北衡
芳草寒未歇潦川澹猶

清晏陰日夕起鬱抱何由平
朔風肅徂軫陟雲延
友生周遭度玄渚紆徐蹇
落英晨霞散餘絢倏忽
凌虛明虬松移翠葆虹澗
流金聲轅馬何蕭蕭谷
鳥亦嚶嚶蘊真效龍夔撫
化忘將迎隆墀一永歎
遠壑浩自盈緬惟遼海鶴
載彼瑤臺笙邈矣安期
子廼垂千載名

紫雲觀易臺

鳴鶴振遠臯潛龍耀靈淵
懿彼廬山曲栖茲高蹈
賢紫雲結蘭若孤峯靄鑪
烟築臺躋幽勝迎風槩
中天僦僦矜珮集瑣瑣珪
符捐觀易研衆妙洗心
由浩然開軒丹巘入承宇
青霞連編帙會至蹟舍
瑟成真筌雖生姪孔後已
悟羲皇前彙征謝嘉遯
道以時屢遷垂光虹霓上
永懷丘壑年

訪白雲書院

王漸逵

主事

白雲莫南服自古肇靈勝
一據浮圖氏遂墮空寂
境沉淪二千年人寰足深
病烈烈甘泉翁書院倏
以正排雲構華宮中天啓
元聖兢兢誦法同濟濟
衣冠盛我來慰一觀良朋
翕相應源泉酌清漪大

宇喜澄定一盃洒空臺遙為山靈慶

出郭十里望白雲山 黎民表

伊余霞外心夙協滄洲想芳春戒簪朋青谿宿徂
雨瀰瀰清露溥英英白雲上旭日熹陽厓暄風散
林莽棧道既縈紆窺川赤沆瀣于呂氣多竒建木
影殊狀陟雲脰已捐覽勝心逾壯玄圃非冥設丹
丘豈外象願矯凌風翰永恣山泉賞

登白雲最高頂

靈嶽奠南澳鳳翼矯而峙上千燭斗樞下盤絕地
理修阪饒蒨苓迴蹊蔭梗梓東觀極扶木西窺逼
濛汜晨標頽霞截夜氣白虹起玉樹發葱青金潭
耿清泚平生信經竒茲山擅巨美圖史謾莫傳侗
儻固難紀倘驂飛龍遊長揖當途子

入白雲寺酌九龍泉

頓足雲外遊弭服雲中宇晨霞朗高木晴暉射孤
嶼泠泠山漱瓊湛湛觴浮羽層欄蝕金碧古瓦窳
巖鼠撫迹泯空有忘懷契賓主手揭留萸贈目送
飛鴻舉方諧鳶鶴蹤遽協濠梁矩齊物在斯辰憂

生非遠慮

同丁戊山人遊白雲寺

流觀遍炎隩結賞自負嶠積陽熙層崖凝陰豁林
杪雲構何屨屨乳竇自窈窕瀕洞出谷雲淵渟瑩
神沼稍疲暫憇石選勝益躋表欄楯寄躩踞軒窓
瞰深宵猛簾發鴻音寶輪晃餘照龕以曇花覆塔
將慧草繞詎謂劫灰餘遂成夷原燎棟撓芝菌生
瓦圻黓嘯金甃剝石幢永藥遺丹鈿惠遠豈復
招巫陽不可叫蕭晨命良儔蘭觴展竒眺感茲玄

運徂念爾冲規劭閔河閔舟楫雲雨垂言咲潜蚪
媚烟霄冥鴻避矰繳勉敦谷口盟無貽北山誚

白雲觀

翠壁苔蘚剝雕楹風雨傾不見赤蚪返空聞白雲
名環中龍虎伏鼎內鉛汞爭石函委真蛻絳氣干
天庭松杉緬延停鸞鷲導遐征古甃汲寒冽陰廓
畫仙靈羽流萃雜沓鬼火流青熒腥膻漫玉椀瓦
礫飄金莖雲螭杳難駕霞縱愴余情修途逼暮景
改轍思長生稽首受玄籥一為開瑤局未敢望郵

鄂庶能守申庚諦聽獲憂憫恍惚聆簫笙出門悲
風起曠若失蓬瀛何時復來遊相隨朝玉京

溯水簾洞過月溪寺

緣蹊路方澁尋異景屢延凝思矚幽岩朗詠溯長
川青蓮敞妙界壁月鑒華泉寶樹無重影金輪不
復圓依微想臺榭出沒悵雲烟羽人絕髣髴員嶠
徒空筌歸寂竟何感撫化彌泫然六龍倘可頓為
我揮虞淵

鶴舒臺

是安期上昇處

安期鍊玉液飛步凌紫霄空餘璇臺上古鬱岩
堯金牀鎖靈穴碧樹敷英翹鸞笙空縹緲鶴馭徒
逍遙物化迹逾勝理愜境自超願弭雲中駕隨君
揮碧寥

鶴舒臺

吳旦

號蘭阜南海人知州

蓄賞自玄古飄飄臨紫清流霞帶方島絳雪曜曾
城飛仙杳難冀高堂空復情烟開樹輪碧日湛水
華明葳蕤望蛻蓋參差聞鳳笙馳齡苟可駐竭來
導遐征

滂水簾洞過月溪寺

玉洞夔無門珠簾不可卷梯峰滂窮續刻石臻遙
峴蹊參灌木入術並脩篁轉禪界稍歇堙靈泉猶
清淺花凋龍女臺草積象王輦二梵行當已三車
誰能演籍草停曠蹤撫松豁英眇翠涵岫類滴雲
抹林疑翦感運心所懷浩歌興粗遣

遊白雲寺

梁有譽

崇岫控越徼魏鎮峙郊甸萃嶽億劫餘遙遙百里
見踈嶺何岑峭陽林鬱葱嶺峻擬元天平俯闕海

日炫化城依層顛拂策涉遙峴逢槎薜術迷遭石
新磴轉始至嵐陰豁暫息厓光顯露翳若木莖風
墮曇花片鳥啼谷互畲竹亞露猶泫冲襟挹恬寂
素想協遊行靜惟迦葉智默遡龍樹辨十喻總歸
空六塵原不眩清朝意葉凋縞夜心蓮現歲月紛
逝馳棟宇幾遷變鶴往臺草荒龍去井泉淺刻栴
鼈鼠啼雕梁蛛網罨感物置安排看雲悟舒卷結桂
緒方遙攀蘿情莫展景協賞為美慮澹機自遣願
總塵外轡謝此區中戀

讀書白雲精舍

黎民衷

塵居厭囂雜精廬借丹丘嵐光入戶牖竹栢環瀑
流清朝理巾服散帙獲所求卷之豁方寸煥之窮
六幽機忘慮自遣境寂神與謀玄珠非罔象輪扁
誠足羞烏伸不知疲象耕還有秋烟雲恣良覲鸞
鶴無俗儔臨淵非釣國委運殊鑿坏靈脩去已遠
吾將與天遊

遊白雲尋順菴宋康與之讀書處

差辰飾馳勒微陽曜桑柘矯首龍岡岑弭節雲峰
下朔風懷昔人疏山鑿精舍詞林昔輝耀蒼蔚從
清暇達生豈効陶投荒異謫賈帝鄉杳難期青山
尚堪借樓居貯宸章林巒徧揮灑風流擅當時徂
年感玄化漬墨荒小池清遊毀荒榭風磴寒蟬吟
磴道飛湍瀉感念心不夷臨流獨舒寫

遊白雲寺

黃在袞

招携出郭門杖筇躡芒屨仰眄磴道遙神工何年
鑿峻嶒插青霄雲霞互磅礴東窺扶胥日南瞰溟
島壑綿亘千百盤蜿蜒虬龍躍昔有安期生凌風

乘白鶴危巖遺像存丹砂已寂寞緬想方外踪
充饑恒藜藿幽谷有芳蓀迴谿產杜若太息稅塵駕
托茲忘濩落

黃在裘

碧黛隱青冥白日匿丹谷抗策詣巒岑訪古息林
木睠茲秋已深相携過山麓泉岩紛瀑布烟霞飛
遠岫因之愴歲華怒馬傷迅速鳥道叅灌枝鹿町
茂脩竹云探不二門條然返初服亭亭江雲生颯
颯若飈蕭所思在何為捫蘿自樵牧延眺怡我情

籬畔舒黃菊塵轡如堪總寤寐在天竺

七言古詩

白雲山

孫黃

翰林兵籍

白雲山下春光早少年冶遊風景好載酒秦陀避
暑宮踏青劉鋹呼鸞道木繇花落鷓鴣啼朝漢臺
前日未西歌罷美人簪茉莉飲闌稚子唱銅鞮繁
華徃似東流水昔時少年今老矣荔子楊梅幾度
紅柴門寂寂秋風裏

題高彬白雲山房手卷

高彬昔年喜學武七尺長驅力如虎往昔追強過
營門日來從戎事藩府錦袍白馬金連錢騎將校
獵城南邊鼻頭火發不知熱耳後風生猶着鞭秦
楚山川歲華改萬人零落惟彬在腰間不插黃金
符卻向詞林學文彩白雲遠在藩府陰彬馳疋馬
恣幽尋秦臺古樹挂秋色堯澗冰泉清客心娛遊
日夕歡不足更傍山腰結茅屋多種琅玕引鳳凰
大開門徑邀麋鹿雨龍歸洞白雲閑鬣鬣綿聯窓
戶間月映餘輝長不夜雲拖暎靄似巫山山中白
雲如白石高彬與雲同枕席雲來萬樹似開花雲
去千岩同一色何年作客帝皇州卻按新圖憶舊
遊紅樹不知淮水晚白雲遙認故山秋故山白雲
長自好且莫看雲被山惱他年謝病解朝衣我亦
從君拾瑤草

望白雲山有感

岑萬

白雲之山粵秀北龍從雄峙壯南國諸山環衛列
屏嶂風磴乘凌路紆側蒼松古栢歲月長紫鱗丹
蘚虬龍色攀蘿步入青蓮宇似覺憑高撫中域玉

池歎出九龍泉古刹弘開千佛力黃鶴西來不可
期大江東去歸無極蒲澗滌洄白石寒九節托根
清湜湜茹之令人生羽翰寶霧祥雲盪胸臆不聞
往日安公子綠髮方睡人未識一朝舉手冲霄去
至今祠像猶崇飭却憐寺廢無僧住棟宇荒蕪焉
所息四郊羣盜尚縱橫野徑楓林多鬼域芙蓉縹
緲雲氣浮矯首遙瞻轉悽惻春來桃李已敷榮澗
草岩花淨如拭海宇何時見太平使我快意時登
陟招尋仙侶恣竒賞坐石食霞貧亦得

白雲古蹟

張

詡號東所南海人
通政司叅議

白雲山勢如龍虎更叱匡廬得天趣洪崖浮丘二仙

名古詩左挹浮丘
袖右拍洪崖肩

查無踪瓊臺丹室如可覩禹糧

處處得充饑山多禹餘
糧故云

堯薤莖莖資大補山有堯
時韭

九龍之泉自天飛声落長江振閩楚鶴舒之臺高
入雲安期白日昇天去澗底欲尋仙蹟知何處劉

錕取道命呼鸞秦佗築宮未避暑百年富貴安在

哉惟見岩甄紅槿樹紅槿越
花名唐詩紅
槿花中越鳥啼是也梵王宮

殿九天開千疊萬疊烟霞阻僧到惟聞隔嶺鍾雲
深每失耒時踞兩山居士天挺豪張瓚者東所公
之父也自號兩山居士白沙先生兩說與兩山居
士知即此第一名山摹禮部曰山居士嘗摹朱
終南第一山三大字榜于山之絕頂山僧見之歎
絕倒此山嶺南信第一佳名不愧大士取大士者
即指觀音大士而言君不見興高不在升華嵩東
山一登應小魯

訪安期生石室

黎民表

白雲山下栖玄室松逕何人訪黃石芳草猶尋舊
日盟棄繻十載曾書生野禪頽我忻而咲玄鶴鼓
翅鏘然鳴林間木榻且安坐江上浮雲陰復晴岩
前散髮者誰子劃然長嘯為鸞聲興來枕席向天
地何暇坎壈較不平崎嶇石路且迴車白日未落
懽有餘登山臨水不盡醉枉作高陽一監儒

望白雲山有作

霍與瑕

躋攀復躋攀遙望白雲山樹色添新綠花光帶舊

寒崔嵬俯瞰城頭近畫圖一幅玲瓏甚輕烟薄霧
染諸峯雲容霧態看無盡憶昔開山安期翁誅茅
結屋翠微中藥爐九轉真丹就金闕千年姓字封
仙蹤一去三山外芳流空有靈泉在蒼藤古木幾
經秋梵宇禪宮相掩靄禪宮梵宇復荒涼野草閑
花祇自香滿澗芝蘭無去採深山麋鹿有來場地
補東南缺天開鄒魯文日月大明常普照山河完
氣幾時分光華映崑崙崖石精采流輝成五色坐
嘯天風處處春行歌雲水灣灣碧天風雲水幾猶
伴貝錦南箕爭咳張止棘青蠅隨氣候高岡苞鳳
集朝陽只今風雨年年好桃李經春花發早古壑
依依長綠苔王孫冉冉遊芳草人去人來春復春
一回一望一傷神且將心上無窮事付與山中一
片雲

張廷臣

番禺人
鹽運使

白雲峻極東南天崑洞迥與瑯琊連瑯琊仙人置
舄去冷冷風御來天邊蒼崖綠嶂結葱蘢中峰突
兀凌紫烟飛虹百尺下寥廓雲蒲九節被清漣當

時雲罕冲霄處神光往往燭星躔天路悠悠不可
即何人更得窮真詮高秋騁望隔塵世松風謾謾
鶴蹠蹻萬壑蒼茫一杯酒丹梯石室自年年高峰
迴薄拱瑤臺玉鳥飄飄海上來飛瀑千秋懸碧落
靈蒲九節見花開雲移空翠虹旌度風引松濤鶴
馭回滿目洞天留紫氣不知誰是謫仙才

安期生

梁子壽

安期生參駕白鹿雲中行遊來平安期生鹿皓皓
金為車蓬萊之山宮參差蟠桃千歲綻三花授以
仙棗大如瓜教以服食煉丹砂內守鉛汞長黃芽
獻之今上福無涯

五言律詩

栖霞晚眺

白玉蟾

海岸孤絕處晴河露遶汀潮花入髮白山色佛頭
青夕照雌黃筆秋烟水墨屏天空杉月冷鶴夢幾
回醒

望白雲山

黃衷

引眺孤鳶外遙峯出晚林因知逃世者何必入山

深自倚溪翁杖誰將野客槲茆茨容老朽莫遣早
寒侵

雲山今古鎮蒼翠席邊看天為虛明遠心從靜逸
寬幽期除潦倒淑氣自噴岢城市晴陰別何人更
倚闌

題安期生

王漸逵

安生遠避世採石不再回騎鶴入白雲九童為之
開秦皇徒朽質漢武非仙才童蹤竟玄秘方書空
疑猜

再遊雲谷

久不到雲谷扶筇得再攀榕葉暗三徑荔花開半
山青春兼客度黃鳥並人閑輸却林僧懶鍾聲始
出關 春日粵山眺望

遠郭晴陰合三城春氣深遊人出木末鳴鳥宿花
陰大地樓臺簇佳晨管吹沉自来重都會藉此一
開襟

遊白雲寺

戴

縉

南海人
工部尚書

白雲連翠嶺山寺藉為名一水通珠海千峯擁穗

城鶴臺仙跡古龍井瑞烟晴酷愛無塵境休誇紫陌榮

南粵多山寺白雲首著名勢臨葛仙宅雄鎮粵王城
鴈字垂秋影蟬聲送晚晴群公孰勝會泉石倍增榮

林光東莞人

塔颯招提境春衫試苧麻吾那拘禮數僧亦厭袈
裝烟罩枇杷樹香傳枸杞茶藜藜遠到耳晚鼓放
官衙

登白雲頂

郭大治

一上白雲頂回看北斗標天遙憐鴈序春暖及花
朝紫府披丹液青鸞品洞簫安期何處所一去竟
難招

再宿白雲寺

黃啓讓

白雲山麓寺秋暮偶來凭東指原多瀑西來是現
燈一庭山月小半樹塔雲層因憶函經理逍遙可
杖藤

水簾洞畬人獻酒

黎民表

暫憇雲門外冬衣亦尚寒風烟詞客賞薇蕨野人
餐白雨懷中落殘紅島外看臨流何所羨吾已挂
塵冠

飛雲峰獨坐

李時郁

獨坐飛雲頂回看四百峰斜飛銀瀑布削出玉芙蓉
縱目乾坤裏騰身霄漢中方壺知不遠雲外度
踈鐘

遊白雲

登高一舒嘯清興落林巒俯視滄溟小狂歌天地

寬歸雲孤鳥沒落日衆峰寒欲訪十洲去臨風招
紫鸞

黃志尹

宅廬三島客蛻跡白雲隈仙馭歸何處清風獨此
臺泠泠千澗合簇簇萬峯迴髣髴棲真境玄關恐
未開

區大相

昔聞採藥去過海訪蓬壺尚憶瓜如棗難尋九節
蒲泉聲清澗壑鳥道轉虛無玉鳥留秦帝飄飄鶴

駕徂

長謠白雲曲一扣紫岩扉
躡蹻隨杖蹇蘿翠滴
衣瑤華紛可掇仙嶠望中微
海上三青鳥傳書幾
度婦

洗堯相

應天通判

共有靈岩禱言叅千歲
君管絃低杪樹冠蓋擁高
雲鶴影疑仙集熊祥入夢
殷時來申甫降應擬接
清氛

黎邦琰

谷口鳴鍾午招尋興倍殷
徑荒餘竹色碑石落苔
文花隱龍池樹人歸鳥道
雲且移溪上席小酌把
蘭薰

舍策從危坐佳哉眺望同
亂山啣紫翠高閣掩青
葱欲兩松喧籟微涼蔭度
風布金曾此地何處覓
支公

龔必登

仙岩靈氣滿一望白雲孤
已跨三山鶴還生九節
蒲礪泉搖睥睨空翠入虛
無冉冉飛雙鳥登臨似

可呼

七言律詩

題鄭山人郊居

唐楊夔

谷口今逢避世才，入門瀟灑絕塵埃。
漁舟下釣乘風去，藥醞留賓待月開。
數片石從青嶂得，一條泉自白雲來。
曇花相對無閑語，盡日南山不欲迴。

宋康與之

白雲深鎖路崎嶇，鶴去臺空景物殊。
山展翠屏連素幕，泉分清溜滴明珠。
道人只問丹砂井，隱客猶尋九節蒲。
試問葛洪僊去後，至今遺跡事何如。

白雲山房

明孫蕢

家住滄洲洲上山，數椽茅屋亂雲間。
天晴疊嶂開金碧，雨過清泉響珮環。
高興別來長寂寞，故人誰與共躋攀。
洞門猿鶴應相問，何事先生久未還。

次石門望白雲山

黃衷

驚心鬢影臨春水，落耳鄉心賣晚花。
斷嶼白沙孤艇小，遠林紅荔一溪斜。
早農有喜將登數，歸客無期偶及瓜。
滿徑槐風披景草，白雲山下即吾家。

重登第一山

王漸逵

一峯高聳萬峰巔滿目雲烟紫翠連
會見圖書歸太極即看嵩嶽向中天
遊當白帝三秋外人在招遙北斗邊
詩罷山靈應獨慰直從開闢萃諸賢
石巘峻嶒倚碧虛憑高一望倍踟躕
海濤東合地維缺山勢北來天
柱孤落日空臺閒伯業斷厓芳
草暗王圖興亡今古非吾事惟愛
春風長綠蒲

同黃泰泉九日登白雲頂

佳節名山萬古開是誰曾此坐崔嵬
烟扉霞館依稀見紅翠青鸞縹緲回
澗水獨憐奔海去秋風何事逐人來
直須更上浮雲頂虎豹相逢莫浪猜

同李三洲李過齋遊白雲何維栢

登臨地迥三城盡紫翠烟深一逕微
雲淨九龍依洞出臺空孤鶴向人飛
千山佳氣平臨目萬壑涼飈故拂衣
悵望清秋情不極皓歌回首月斜暉

同陳明水王青蘿宿白雲和韻

心交千里喜相逢共坐天南第一峰
浪跡山中同鹿豕閑吟潭上動蛟龍
春風遙憶江門笛午夜時

聞野寺鐘對榻忘言更忘寐一天明月照孤松

秋日同諸公遊白雲山

安期一去已多年此日重臨思惘然丹竈烟深今
不見鶴臺秋迥尚堪傳黃雲紫水江門上白石清
泉蒲澗邊回首天南人未遠莫云鄉里不如前

白雲山

鄭岑知縣

雲山禪刹最清幽愛此清幽到此遊溪水瀉聲如
對語山花含笑似相留一川水月千山曉萬壑松
風午夜秋共把深杯清不寐詩成閑聽點更籌

僧房寂靜無人到窓外鳥啼三四聲誰地花枝誰
地賞自家琴韻自家聽清波漾日浮金鑑綠樹當
門展翠屏景好自憐詩味少臨風追憶白先生

晚秋偕何石川黃常軒二公遊白雲

岑萬

披雲松徑訪丹丘回首勞生是拙謀宇宙散人多
浪跡古今詞客幾封侯登樓俯視諸峰出吹帽遙
憐萬木秋對酒正欣陪二美更從何處問羊求

白雲再用前韻酬唐山

閑來駐馬步椒丘
騁望將為小隱謀
却論身外無餘事
不識人間有徹侯
滄海烟波涵日月
青山松菊自春秋
忘言便得吟邊趣
何必渾從氣象求
同公載公實思伯
登白雲最高頂

黎民表

青谿千仞出塵氛
振錫還驚虎豹群
遊客屢窺丹檢字
高僧多卧石樓雲
風生大壑諸峰應
澗落平田衆水分
招隱卜居緣此地
重來休勒北山文

又安期岩

絕磴陰陰松栝園
仙宮寂寞見霓衣
曾傳海上青騾去
謾道山中白鶴歸
霞起遠分丹洞色
日生幼弄石門暉
浮雲變化成今古
誰似凌空一鳥飛

梁有譽

東南紫氣連江闕
玉鳥飄飄遂不還
漫憶鶴歸華表柱
更傳仙在沃焦山
松梢花落禽銜去
石上芝生客到攀
今古蒼茫俱莫問
何如散髮弄潺湲

鄺夢琰

好風吹我上名山
踏破蒼苔石翠斑
天地迥非塵

世裡台神常在玉壺閑溪頭明月不可拾洞口白
雲長自閑何處仙人吹玉笛朱厓題遍不知還
行上山來更上山白雲深處是仙閑望中嶺海乾
坤大坐底松喬日月閑岩草翠搖鸚鵡綠澗花紅
染鷓鴣斑登臨未了殘詩句付與烟莎霧柳間

陳遷

知府

采藥南來住白雲瑯琊消息隔囂氛遠尋丹竈金
銀色誤入仙家鷄犬群月落九霄聞鶴唳春深五
鬣長龍文烟霞滿地無人掃共把芳樽對夕曛

遊白雲和岑蒲谷韻

何彥

栖遲每欲訪林丘獨對孤山野鶴謀閑尹何心逢
老子赤松無意到留侯蕭疎白髮娛杯酒綽約黃
花傍晚秋別有登臨供逸興飄然身外復何求

秋日登白雲山小憇僧歸亭

唐守敬

十里尋幽載綠醅孤亭闌寂傍山開松陰滿地僧
何在雲洞經秋客共來傲世正思霞外隱采芝虛

擬曲中裁攀躋未負羊何約一望丹崖斷紫埃
自僧歸亭登山椒望泰霞洞有玉虹飲澗亭
乍攀危磴上層巒近望霞山興渺然谷靜似聞鸞
鶴嘯秋深誰著桂叢篇玉虹綺構臨流出金馬堂
封片碣懸指點丹梯圖畫裏勒銘巖壑定何年

由山椒上安期岩尋鶴舒臺

青谿窈窕絕塵蹤隱隱時聞遠寺鍾百疊巖光懸
瀑布九天秋色落芙蓉玄裳玉鳥知何處瑤草朱
花豈昔逢散髮欲憑臺石卧向來名利意俱慵

自僧歸亭登山椒望泰霞洞有玉虹飲澗亭其
下為先師黃太史墓 唐守敬

乍攀危磴上層巒近望霞山興渺然谷靜似聞鸞
雀嘯秋深誰著桂叢篇玉虹綺構臨流出金馬堂
封片碣懸指點丹梯圖畫裏勒銘巖壑定何年

由山椒而北上安期岩尋鶴舒臺玉鳥軒

青谿窈窕絕塵蹤隱隱時聞遠寺鍾百疊巖光懸
瀑布九天秋色落芙蓉玄裳玉鳥知何處瑤草朱
花豈昔逢散髮欲憑臺石卧向來名利意俱慵

由安期岩而上陟峻嶺登白雲最高峰

謾向人間事陸沉探竒今上白雲岑勢吞元氣諸
天近杯視滄溟萬象森振錫丹丘懷羽客飛觴龍
井見禪心等閒重訂烟霞約五岳三山好共尋

自白雲下山過崇岡東麓經菖蒲澗入蒲澗寺

尋僧不獲

步屨凌空下翠微更緣蘿徑扣禪扉僧閒日掇丹
萸去天遠雲隨白雀歸石澗菖陽堪結佩香臺花
雨欲沾衣從前已解無生訣何必支林始悟機

登白雲最高峰

謾向人間事陸沉探竒今上白雲岑勢吞元氣諸
天近杯視滄溟萬象森振錫丹丘懷羽客飛觴龍
井見禪心等閒重訂烟霞約五岳三山好共尋

白雲晚歸贈陳陸二子

歷徧仙源路不迷詠歸須向菊湖西荷衣尚帶千
峰色斗酒空勞二仲携露下遙林丹葉墮烟深荒
塚夜烏啼不辭歲杪還乘輿雪磴風巒縱杖藜

白雲山頂眺遠

李光宸

翠巘丹梯接漢間
瑤林高閣盛游觀
樓臺日暖諸峰現
松檜風生夏月寒
巢鶴珠林心共定
琪花玉洞意相歡
蓬萊豈在浮雲外
郭北群巒好細看

姚光泮

躡磴攀蘿上翠微
白雲天際共依依
鍾懸絕壁因風扣
簾捲流泉噴雪飛
雨過洞中虹自現
月明臺上鶴初歸
尋真步入靈岩去
一路松花墮客衣

鄒可張

知縣

鶴羽何年馭白雲
澗中風致斷塵氛
霧蒲碧繞龍泉出
仙跡竒從穗石分
丹室共傳雙鳥在
玉笙猶向九霄聞
登臨杖履應無倦
恠覩苔封碣上文

劉介齡

廷評

跨鶴仙人自昔年
泉流仙磴尚依然
九華凝露菖蒲秀
五色成雲芝草妍
嫋嫋鳴絃聞洞裏
淙淙寒玉漱崑前
碧桃花底春長在
應是滄霞得秘傳

鄭用淵

通判

天畔群山寂不譁安期曾此煉丹砂新蒲九節沿
溪長古木千章倚澗斜石上飛泉懸瀑布水邊炊
黍有胡麻扶筇欲訪脩真處漫憶當年棗似瓜

陳萬言

大叅

策杖名山訪祝雞白雲仙子望中迷萑蒲花發無
人見芝朮陰濃有鳥啼鴻寶秘書藏石室鶴臺清
嘯對芳溪飛泉洒作峰頭雨春入年年草自萋

黃志尹

知縣

昔從剡曲問胡麻因憶先生棗似瓜操斧有時探
石室牧羊何自抵金華歸雲恍見天邊鶴遠鳥虛
疑海上家惆悵仙蹤無處覓祇遺霧貺茁蘭芽
登白雲絕頂望蓬萊

宅廬三島是神山屹立蒼茫指顧間持節漢卿真
見跡發童秦市未還閑烟霞有穴藏丹餌服食無
因却老顏欲跋雲峯窮眺望幾時聯杖一躋攀

梁有貞

州守

阜鄉飛鳥杳烟霞尚有仙蹤粵海涯崑下禹糧紛
作穗澗邊堯韭盡成花霧氛久秘栖真地間氣能

鍾積善家羨爾逍遙多種玉藍田春色向人誇

陳良珍 同知

澗道深從閨苑開薦蘋齋沐叩玄臺空中寫鶴乘
雲下天上麒麟入夢來早見扶輿鍾間氣况逢飛
鳥是仙才琳池玉樹紛如許移向庭前次第栽

張廷臣 運使

白雲北峙接青霄神秀天開護市朝泉淪九龍通
雨露臺舒群鶴御松喬瞳矇曙色懸空翠淡蕩晴
光遡次寥眺望頻年塵土洗閒身長得伴漁樵

陳三俊 知縣

萬仞丹梯倚碧峰安期當日有遺蹤靈苗九節猶
堪采秘檢千年尚帶封東去海天唯大藥南來山
色隱芙蓉尋真問道元非易瑞氣飄飄此日逢

鄧時雨 山人

行行步上翠崑頭尚憶仙蹤此地留萬壑松濤淨
旭日一溪花氣長深秋山多靈秘人爭覓洞有金
書世共求却得菖蒲生九節乘風直欲到神州
羅浮西麓白雲連石磴逶迤隱洞天翠壁丹崖開

緝宇虹泉碧澗下平田仙人九節時堪採羽客三
花思入玄藜杖閒過猿鶴在紅塵隔斷杳蒼烟

郭 棐

番禺人
光祿寺卿

十載雲峰始一登四山飛翠勢峻嶒春花樹樹矜
顏色好鳥聲聲喚友朋拄杖來遊欣把酒竹林深
處喜逢僧丹爐永火今何若謾說巒頭紫氣騰

陳 堂

少叅

為問仙蹤吏有無尋幽崑岫亦清都臺空不見千
年鶴磔冷猶懸九節蒲物外江山浮世界雲間丹

灶亂藤蕪無才正欲從仙隱落日踟躕聽鷓鴣

王弘誨

一上名山石磴懸禪宮高倚翠微巔江波決莽晴
常雨海霧蒼茫斷復連緱嶺似乘鸞鶴下仙槎真
泛斗牛旋不須方外尋真訣自是人間別有天
海上安期昔所聞振衣此地一逢君青霞長伴丹
臺遶白鶴曾留紫府群萬壑鼎聲天外轉五羊烟
樹坐中分躋攀未厭歸來晚長咲飄然下白雲
月臨臺殿紫烟重際曉藍輿出上封豈謂勝遊從

汗漫祇疑元氣轉洪濛石壇丹室行應遍瑤草瓊
花望不窮乘興杳然迷所適憑空吾擬却塵蹤
群峯秀色鬱相望躡磴穿蘿到上方側見星河低
戶牖下方雲霧鎖穹蒼靈光自發千秋秘勝地遙
連百粵長捐佩何年能自慰爲尋萬竹下山房

曾士楚

侍御

故山元自有蓬壺爲愛天南一勝區鶴去尚留霞
外鳥岩栖曾餌磔中蒲雲生滄海千峰碧路入仙
原萬壑迂漫道阜鄉祠宇盛粵人禋祀亦何殊

嶺南第一樓

李時郁

嶺南飛樓高插天八極神遊霄漢邊清秋倚檻發
語笑白日揮手生雲烟鬱水遠帶靈洲落粵秀爭
與羅浮連方壺此去知不遠即欲跨鶴招群仙

謝元光

縹緲丹梯萬籟號清秋一眺粵天高傳杯漫轉唵
邊自揮塵頻生醉後豪四境烽烟消海國百年歡
賞任吾曹晚來欲覓僊蹤去蒲自青青水自滔

揚茂先

同知

石徑雲深草樹幽，安期仙跡可能留。
冷蒲不逐塵寰去，跨鶴長隨閬苑遊。
礪繞水簾開勝境，山遺玉鳥迥丹丘。
登臨遍有蓬蒿想，一望烟霞晚更悠。

梁紹棗

庠生

丹梯千仞紫虛懸，炫服乘春度嶺巔。
峰入諸天春欲逼，水分三島望還連。
即看太史留題徧，為報真人駕鶴旋。
自是玉皇香案吏，祇應長住大羅天。
飄飄仙梵九霄聞，賓從逍遙邂逅君。
命酒鶴臺曾

作伴化羊仙，石更成群嚴莊境。
向三身見頓漸門，隨四智分談笑。
春風回玉殿，天花繚繞洒慈雲。
高峯壁立翠重重，玄覽寰區盡帝封。
肘後烟霞生冉冉，目中溟渤自溶溶。
心從真境原非住，鄉入無何未易逢。
斟酌斗杓元氣合，赤松他日覓仙蹤。
群峰淨刹苑相望，指顧虛無洞八方。
霖去恰看靈澤徧，龍行猶帶海雲蒼。
珠宮貝闕星辰近，真宰天倪日月長。
揮塵烟霞多變態，一輪明月在禪房。
登白雲絕頂望羅浮

東望名山有洞天振衣千仞思翩翩雙峰鳳翥何
年合千里龍蟠浩劫先窟宅仙靈開日月金銀宮
觀靄雲烟指揮如意臨丹壑矯首能忘魏闕前

潘光統

偶從方外散幽棕竹杖綸巾訪舊蹤金液已成丹
灶冷琅函雖在白雲封高臺鶴去餘芳草小院僧
歸已暝鍾惟有故人貪勝賞盤桓時復撫孤松

郭槃

岳州府同知

芙蓉萬仞倚層空躡屐捫蘿有路通十二瓊樓連

碧落三千金界散洪濛天邊忽灑仙人露檻外長
吹玉女風聞說安期丹尚在便應晞髮卧崆峒

鄧于蕃

南海人
鹽運使

千仞靈岩倚壁開上方仙子駕樓臺曾聞跨鶴天
邊去更道乘槎海上來曲徑就荒蒼蘚合空門深
鎖白雲堆霓裳未必無消息時有遊人望氣回
出郭尋幽興倍濃白雲深處訪仙蹤當年鶴馭歸
何去此日鸞笙未可逢壁倚斷碑疑漢篆松圍高
蓋恍秦封登臨不盡飛揚意欲遍東南四百峰

劉士進

知縣

曾佩真人五岳圖白雲深處覓仙都乘槎渡海年
多少飛鳥凌空更有無六月寒岩翻碧玉千秋靈
壑長青蒲故山想有秦時鶴跨問摩尼掌上珠
海上安期去不還何年雙鳥落人間采芝尚剩金
光草扣石時聞碧玉環古樹籠烟春寂寂寒岩飛
瀑日潺潺知君雅有探竒興策杖凌空幾度攀
曾聞海上有仙人一去瑯琊幾百春山擁白雲堪
駐鳥津迷黃木豈知秦空傳石上留丹白更向人

間送玉麟瑤草靈壇千古在何勞遙祀碧鷄神

黃 鏊

知縣

自出秦關百二重結廬千仞削芙蓉砂牀半帶烟
霞色石室平臨鸞鷲峰仙鳥南飛凌去鶴法松東
長迓歸龍野心不被紅塵染肯被晴雲片片封
欲問丹砂九轉期秋飈初動碧梧枝神龍竟化陂
中杖野鹿多啣石上芝雲竇重開金鎖鑰霓裳一
奏玉參差不知此夕僊何在雙鳥依然可探竒
白雲峰頂白雲乘一叩玄靈百感興人世障如奔

塞馬仙家蹤似脫，鸞鷹金爐香引蒼烟合。丹白風迴紫氣升，愧我十年門下士。慈航今日又重登。

謝與思

知縣

丈人清嘯自茅扉，從學長生久息機。洞壑不緣丹籙闕，海天還見赤鳧飛。東遊幾處秦祠古，大隱千秋漢史輝。何日雲中分半座，祇於郢曲想音徽。

黃錦

文學

紫氣凌空樹色蒼，洞門晴日訪仙郎。千峰跨鶴歸蓬島，一夜還金出阜鄉。為戀白雲招粵隱，湯留赤

鳥報秦王振衣我，輩非徐市欲采靈蒲九節香。

馮紹京

順德人
知縣

石罅天開古洞幽，安期遺鳥至今留。靈岩尚長堯時韭，叢樾中藏漢代楸。竟與王喬瑒笛伴，不從徐市制書求。至今避地金銀闕，蓬島瑤池汗漫游。

李需光

成林火棗雜交梨，路入招提訪鄭期。廟貌嗟呀開石室，爐烟縹緲透林篩。靈鍾申嶽長含瑞，夢叶熊羆此孕竒。叩謁神光舒眺眼，滿山蒼翠晚霞披。

遠眺雲岑翠欲浮山形盤鬱俯東州溪蒲拭劍迎
人舞澗水飄花抱寺流洞竅最便塵幻斷巖深偏
喜鳥聲幽憑高想望蓬萊閣惆悵當年寄遠遊

曾士懋

孝廉

東風吹散洞崑烟萬壑層巒積翠連春煖蟄龍翻
碧浪日晴雛鳥起青田采芝直入函關路策杖閒
窺小有天回首緇塵仍滿袖可誰辟穀獨延年

梁逢登

蘭汀郎

危峰窈窕一板躋秋色蕭條萬象低滄海輕烟開
素練白雲晴日護丹梯峯堯五嶺空中出決瀦千
山望裏迷登罷可能無感慨况堪歸路夕陽西

唐世延

文學

試向仙岩一振衣千秋名勝尚依稀曾留玉鳥凌
空去遙曳霓裳駕鶴歸路入二雲多氣色天橫五
嶺助清輝由來福地誇靈異桂樹叢生滿翠微

黃甲元

文學

瑯琊家在去向之羽化翩翩自一時滄海囊中曾
隱豹碧天雲外更駮螭石蒲漸長春堪老玉鳥空

留跡亦奇漫道蓬萊元縹緲幾從人世種瑤枝

黃玟

山人

仙郎碧落駕蒼虬栖跡名山幾萬秋采藥不歸東
海去還金曾記阜鄉游雲中玉樹清陰迥磴下青
蒲瑞氣浮莫問秦時雙赤鳥神樓一七亟須求

陳良謨

山人

東來曙色隱芙蓉中有神仙第一峰碧落層雲迷
卓錫玉岩飛瀑響踈鍾霞封九轉丹爐在露裊三
花樹影穠此去蓬萊應不遠振衣好覓舊遊蹤

黃殿

山人

入望層巒紫翠重白雲深處隱仙踪阜亭暮夜遺
金鳥炎海春風駐玉龍流水桃花荒磴寂啼猿歸
鶴落霞穠錫來此地真靈異髣髴蓬萊第幾峰

譽其漸

文學

九節靈蒲繞磴芬幽岩石壁隱仙君曾留玉鳥遺
秦主却把芳心戀白雲野鶴半空迎客舞琪花滿
徑絕塵氛我來悟得長生錄太乙壺中不老春

葉鏐

孝廉

最上峰頭仙子居松楸深處白雲舒泉飛瀑水連
幽磴風颯琪花切太虛遺鳥徒勞浮海客擲金元
有報秦書寥寥欲會長生意參到蓬萊未入初

何維翰

孝廉

白雲千仞削芙蓉遙望中天積翠重流水落花秦
避世石壇瑤草舊仙踪澗蒲總是懸壺藥崑竹應
為化杖龍咫尺蓬山如可到東巡知有石函封

黎士瞻

白雲山上白雲浮咲撥白雲山上遊縞鶴玄猿皆

自適琪花瑤草不知秋仙翁一去名猶在玉鳥千
年跡尚留縱興憑風登絕頂海天遙望思悠悠

彭時聘

文學

古栢長松綠樾勻安期仙宇迥無塵黃金揮去空
留鳥白鶴乘來自遠秦一水夜流岩下月百花香
簇洞中春遊人直上飛雲頂不使浮雲墮角巾

朱雲

文學

峭壁孤峯極望勞千山形勝自週遭岩頭日暎三
株樹檻外泉飛六月濤馭鶴已凌滄海遠吹笙猶

憶白雲高洞門深鎖無人到疑是先生醉碧桃

李恂

武舉人

白雲青嶂護仙居拂拂天風引珮琚
鸞鶴數群飛太劇樓臺幾度駕清虛
山中甲子應難計洞裏春秋總有餘
欲向安期生問訣石函宵為授玄書

陳宸

文學

昔年跨鶴馭天風傳說蓬萊千歲翁
岩下晴虹垂片片山前堯韭鬱葱葱
不隨秦帝求神藥偏祚皇家賜玉童
最喜仙郎多逸興重新宮闕白雲中

夏日登白雲絕頂

馮樹勳

儒士

絕巘南風吹客衣山前山後草菲菲
未逢老子青牛隱重見仙人白鶴飛
弱柳萬株垂宿靄喬松千尺架朝暉
十年兩度憐踪跡那得無家住翠微

白雲對月

我來此地望羅浮夜半長譎弄斗牛
最愛石林吹鉄笛絕憐山谷掛銀鈎
仙岩客老非玄髮古寺僧閒盡白頭
十有餘年今再宿清光依舊照青裘

七言絕句

方信孺

絕壁空巖距虎頭鳥飛不度野猿愁人間有此真
竒觀便好乘風訪十洲

鴻濛誰闢此山川龍象新開二十年最恨東坡早
仙去只教蒲澗入詩篇

破寺高僧夜不眠一聲猛虎月明天起未難覓新
蹄跡半滴空餘石鏤泉

山中塊石老僧言一叱應如轉法輪元是世人心
自動請將消息問風旛

碧澗東西春水添四時疎雨落晴簷珠宮貝闕無
尋處空見重重掛玉簾

危臺老石寄層巔鶴駕逢迎不記年今日歸來應
一咲山川城郭固依然

張鎮孫

萬山飛翠映瑤空一抹晴霞淡復濃何意海風吹
不斷歸鴉飛帶過前峯

夜過白雲話別用陽明韻

何維栢

尚書

江城語別思依依天遠山青入望微正好樓頭共
明月可堪遙對白雲飛

遙看天際白雲浮渺渺西飛誰與謀歸去扶溪溪
水濶秋來還上越臺否

日乾夕惕自惺惺切實工夫在性情千古相傳真
要法聖賢元共此心靈

聖賢今古在吾人敬義功深德自鄰莫嘆桃源仙
迹杳杖藜隨處武陵津

暮歸經白雲山有感

白雲縹緲思依依遠水寒山夕照微十八年來渾
一夢隴頭愁見鷓鴣飛

丁年携汝京行日庚歲中秋病訣時知汝恨隨雛
鳳去西風浙浙使人悲

陳遷

知府

山高長見白雲流中有仙人十二樓采藥不歸瀛
海去幾番熊夢寄丹丘

自從玉鳥落人間東海仙風不可攀偶向白雲雲

外路相逢掌上得珠還

梁柱臣

寺正

安期仙隱白雲隈石室丹爐鎖碧苔一自仙蹤霞
舉後白雲長繞鶴舒臺

賣藥仙翁去不還空留靈跡在人間相逢莫問如
瓜棗九節菖蒲可駐顏

陳堂

少叅

白雲岩下即仙家耐可臨風泛紫霞况有藍田堪
種玉好將春信問梅花

神仙窟宅羽衣輕四顧江山草木情莫向芙蓉怨
遲暮芝蘭幽谷自秋生

何予方

知縣

銀漢支機一石摧何人持向白雲隈安期曾此登
仙去千古留為玉燕襟
浪跡瑯琊海上狂更來雲礪試砂牀年年捷應人
間禱疑有麒麟石下藏

陳見龍

山人

誰從峭壁構仙家石磴迂迴鳥道斜散步捫蘿那

覺險湯遊只為探棋花

金志夔

驛宰

千仞峰頭宅一區
仙岩高峙白雲迂
秦時羽客今何去
碧海蒼烟十二壺

集古律詩

郭棐

番禺人
光祿寺卿

其一

昔人已乘白雲去

崔

題此地還留般若臺

虞集

碧落虛涵雲縹緲

許

渾玉簫清轉鶴徘徊

許渾

壺中日月何曾夜

尹

山下碧桃春自開

林鴻

乘興杳然迷出處

杜子美

不知身世是蓬萊

張昕

其二

浮雲下共此山齊

韓

松寺曾同一鶴栖

杜牧

滿徑落花無客掃

章八元

隔林晴雨有鶯啼

王達

春苔處處行應徧

楊維禎

山靄蒼蒼望轉迷

韓翃

恠得仙凡風景別

李

不妨從此躡丹梯

柳宗元

其三

寒山半出白雲層

劉

滄與客携壺試一登

宋本

滿院落花無過蝶黃翰 千年瘦石有枯藤趙祥

恍疑瑤島翻疑夢李商隱 閑愛孤雲靜愛僧杜牧

欲問叅同契中事白居易 浮生擾擾竟何能鄭谷

其四

素琴孤劍尚閑遊姚揆 遙指白雲天際頭呂洞賓

山色不知秦苑廢常莊 砧聲近報漢宮秋韓翃

夙緣未種三生石王念 仙鶴空成萬古愁宋邕

無柰遠公情正洽高鑑 更邀詩客上高樓曹唐

其五

天風吹我上層樓趙彌 別有仙人洞壑幽宋之問

紅樹孤村秋瑟瑟韓偓 白雲千載空悠悠崔顥

蓬山此去無多路李義山 天府南來第一州高得賜

莫道浮雲能蔽日喬宇 長安不見使人愁李白

其六

仙客樓臺知幾重陳襄 樓臺如畫倚霜空皮日休

峻嶒石壁三千丈高鑑 秀出巫山十二峯陳襄

樹色遙連金界碧王溥 蜃光晨映海霞紅釋理潮

白雲滿地無人掃魏野 又聽疎林響暮鐘蔡堅

其七

踏上高樓望帝京李德裕九秋風露入懷清俞希魯

山從翡翠簾前看許渾人在丹青畫裏行黃翰

四野曙雲飛練白薛逢千家砧杵共秋聲錢起

江南好景從來少譚用之誰構菴居遠世情唐寅

其八

亭亭絕頂白雲菴林鶚樓閣高低鎖翠嵐釋玄穆

拍岸潮聲來海外薩天錫斷腸春色在江南李昌祺

滿地風烟飛白鳥黃平甫四簷晴日落松杉黃諫

可憐古寺今猶在黃潛滄海桑田變又三丁元吉

其九

得得來尋仙子家白玉蟾老僧相見具袈裟岑參

虹橋一斷無消息朱晦菴玄鳥猶知有歲華杜牧

四面林巒香霧合孫英萬行烟樹夕陽斜蘇正

當年人已乘雲去白玉蟾落盡溪頭白玉花曹唐

其十

杖藜徐步立芳洲杜牧苔徑蒼蒼訪昔遊劉長卿

流水有情還繞屋潘純好雲無處不遮樓羅隱

朱門鎖閉烟霞暮曹唐碧落香銷蘭露秋宋 邕

回首帝京歸未得姚揆更憑飛夢到瀛洲胡宿

宿白雲寺

杜漸

戶牖憑高發興新杜甫山宜閒望少風塵白居易

更看絕頂烟霞外薛逢莫怪追歡笑語頻鍾離權

月色為憐今夜客僧護國風光欲醉長年人楊巨源

道心生向前朝寺賈島欲就東林寄一身司空曙

嶺海名勝記卷之五

粵南郭棊篤周甫編

蒲澗記

謹按蒲澗在白雲東北五里舊志言澗中多九

節菖蒲其巔有飛昇臺世傳安期生採菖蒲服

食之以七月二十五日於此上昇先一日語其

徒李少君曰我被玄洲之召當行屆期果有龍

虎導從數百來迎其詳見本傳中郡人每歲是

日多往澗中沐浴以祈霞舉豈其然乎夫紫霞

丹府非凡境也修真煉性非凡功也自安期飛
昇後唯穉川接屣仙蹤何可容易談耶今其地
有碧虛觀其前有煉丹井其陽為滴水岩下有
簾泉水皆甘美飲之有金石氣其匯為流杯池
自澗折而出為文溪水注于秀山之麓左為菊
湖右為越溪至北山下為甘溪靜靜水吳刺史
陸胤唐節度使盧鈞先後疏濬以利于民後
南漢引之為泛杯池上為避暑亭稱勝槩矣又
北十里為月溪寺境亦幽寂為蒲澗佐云

文類

安期生傳

安期生者瑯琊阜鄉人賣菜東海邊時人皆言千
歲翁秦始皇帝東遊請見與語三日三夜乃異之
賜金璧度數千萬出阜鄉亭皆置而去以赤玉舄
一鞞為報曰後數年求我於蓬萊山始皇帝即遣
徐市盧生等數百人入海未至蓬萊山輒遇風波
而還立祠阜鄉亭海邊十數處云齊人李少君自
言少好道入泰山採藥脩絕穀遯世全身之術道

未成而病困於山林中遇安期生叩頭乞活安期
生憫其有至心而被病當死乃與神樓散一七服
之即起少君於是求給奴役師事之遂將少君東
至赤城南之羅浮北至太行西遊玉門周流五岳
往返江川者數十年一旦告曰我被玄洲召即日
當行汝未應隨今當捨去也頃更有乘龍虎導數
百人来迎安期生乘羽車昇天少君遂還臨淄市
壽數百歲相傳蓬萊山三島浮山其一也安期生
在羅浮時嘗采澗中菖蒲服之至今故老指菖蒲
澗為飛昇處晉郭元祖列仙傳贊寥寥安期虛質
高清算光適性保氣延生聊娛秦始遺寶阜亭將
遊蓬萊絕影清冷

景泰禪師傳

景泰禪師頭陀僧也不知何許人初羅浮未有僧
大同中師始駐錫誅茅為庵於小石樓下居焉師
甚有功行善為偈頌頗有道術役使鬼物當居山
頂池上池有蔬葉師曰此泉當與人境通因書偈
投於水偈出廣州王氏池中因捨其地為寺號曰

王園寺廣州刺史蕭譽每召與語朝遊南海暮宿
羅浮時謂聖僧始至山中其徒以無水難之師笑
而不答已而卓錫于地泉湧數尺流汲不竭人號
為卓錫泉譽因建寺於庵所題曰南樓寺師嘗說
法有龍來聽人號其處為龍王坑又於阿耨池東
建塔曰凌雲又造阿耨王塔三十二所師嘗引虎
豹以負瓶鉢入定而逝又大同中有曇裕者內道
場沙門也武帝謂釋迦有真舍利八萬四千散在
群方遣師東來求之盡得其寶重載而歸師願居

此刹有詔許焉仍分舍利造塔貯之

重修景泰寺記

黃諫

佛寺古無之九寺乃古官也鴻臚則九寺之一至
漢佛始入中國白馬馱經止此而佛舍遂以寺名
廣州景泰寺在城北二十里之雲峰上始建於此
禪師不知何許人初駐羅浮蕭譽刺廣州聞其名
召與語異之以此山乃郡之福地遂留住焉此開
山得石履古鏡各一因山無泉師乃卓錫寺傍而
泉湧出復得石鱗二俱留寺中靈跡之異如此宋

紹興中值暴雨寺圯因葺舊址得銅鍾一攷之乃
唐天寶時所鑄則是寺乃隋及唐時建宋因之元
季毀于兵入 國朝時有僧居之永樂初釋坦菴
集贍寺田園所入欲謀重建未果而坦公示寂先
期屬令住持德存曰嗣吾志者在于勉之存與上
足弟子德彝明顯任其事乃請于鎮守廣東左少
監阮公能奉御杜公喬總督兩廣軍務左都御史
馬公昂廣東都指揮使胡公英咸出俸貲以助正
統十三年冬肇工於土中復得石蟬一枚首建正

殿渾金粧塑觀音大士十八羅漢達麼六祖阿難
迦葉於其中次起兩廡山門塑護法金剛像次法
堂方丈悉皆完美煥然重新次用石甃行逕自山
門至府君廟前以丈計者一千五百八十以石計
者若干萬以工計者八百日蓋又郡之檀越所施
也阮公復出錢若干命存作亭雲峯即今廣趣亭
是已明年落成又十年予來判是郡存述始末來
告請文劂諸石庶後來有攷也按郡志山下有康
輿之舊隱曰順閣李昂英築軒其傍曰文溪小隱

而其迹漫不可見是寺屢廢屢興又復盛於今者
豈以佛之力可恃而然抑係人心所趨也惟民生
厚因物有廷導以所習之善惡則難曉諭以生死
輪迴之善惡則易時有變遷而是教不廢信有由
然常觀先正諸公為遺後無窮計往往捨所居宅
為僧寺豈以所好若爾抑必有見焉夫然故知是
寺興廢係人所趨而又在主是寺者有人也德存
之勤於脩葺可嘉也夫庸記之石俾繼是脩者有
警焉

詩類

五言古詩

別南海賓化侯

陳江 揔

石門通越井蒲澗邇靈洲此地何遼夔群英亟遠
遊高才袁彥伯令譽許文休於焉值君子復此映
芳猷嶠函當險澁星瑄再還周分岐泣世道念別
傷邊秋斷山時結霧平海若無流驚鷺一群起哀
猿數處愁是日送歸客為情自可求終謝能鳴鴈
還同不繫舟其如江海泣惆悵徒離憂

題蒲澗讀書處

明黃哲

編茅臨巨壑伐木憇幽巖携琴初陟澗投冊靜窺
潭麗澤方求益知人諧所耽靈芬遙可挹淵物坐
能探野褐同朝誦霜猿聞夜談董幃涼結蕙管榻
潤霏嵐予志在山水宜從雲外參

題安期生

王漸逵

安期遠避世採藥不再回騎鶴入白雲九童為之
開秦皇徒朽質漢武非仙才靈蹤竟玄秘方士空
疑猜

九日遊菖蒲澗

黎民表

五嶺僊靈宅霞蹤昔此留青驪迷碧海玉鳥下冊
丘絕壑紛瑤草飛泉帶藻旒探杯猶越井拾翠有
靈洲修禊遺前事簪萸偶勝流莓苔幾蠟屐身世
一虛舟花沒劉王塢鐘寒趙尉樓頽齡湏大藥瑕
日恣冥揆結桂成延佇班荆共侶酬阜鄉知不遠
雲外更相求

黎民表

神臯恣玄覽顥氣肅淒清暫釋寰中窘還尋物外

盟佳期憐聚首幽賞愜同行地縮雲房麗嵐收霧
術晴凌蹊千仞轉窺竇萬尋縈俄見霞標截應知
地軸橫石梁臨岸峒茵閣闕歌傾玉液秋常皎瑤
光夜愈明洞前馴白鹿木末走文鼯苦竹苞新穉
枯槎折細萌五衢翻弱葉三秀被新榮竒慮恣迴
轉孤踪絕送迎褰裳思采藥列坐或班荆訊古高
臺沒尋幽曲沼平靈蒲猶瑩劍虛溜尚調笙絳節
翩翩下銖衣漠漠呈琅函時自啟石鼎晝常烹遺
棗如誇漢乘騾似避羸柱留聞鶴語嘯落帶鸞聲

玄兔蟠荒灶華芝結野楹登臨搖落後眺聽古今
情并邑婫聯見河山繡畫成高踪超解縛嘉詠類
鳴嚶尊至傾浮蟻觴來汲巨鯨隱衣還製芟狂興
欲餐英大運多盈縮朋情喜合併丹砂如可學脫
屐謝浮名

蒲澗紀遊

黎民襄

杪秋步郭門清眺指東山平楚藹朝旭靈岩絕躋
攀晴瀑掛珠簾爽氣生潺湲稍聚圓潭潔滌流百
里灣我聞安期生賣藥東市間玉鳥隱雲竇騎騾

待徃還青青澗底蒲馥馥石上蘭四筵列瓜棗一
勺回朱顏野鹿啣花至山僧誦梵閒歸詠放情志
明月遲松関

七言古詩

蒲澗

宋蔣之奇

仙山雄壓五羊城山中有澗見底清嗟牙亂石礙
流水九節菖蒲石上生吾聞安期當得道服此菖
蒲能却老時人但見千歲翁賣藥皤然頭似葆昔
時金石出阜鄉蓬萊風濤浩茫茫始皇固自匪仙

骨妄欲輕舉寧非狂十所祠堂海傍出氣象崢嶸
此其一邇來茲地成勝遊士女傾都在今日崎嶇
盤道躋嶄嶄飛雨白日灑碧岩供炊蘭若香積飯
井泉一縫滿石函老木蒼藤倚深壑時見飛來双
白雀散髮之人倘可求欲與浮遊解塵縛前登鄭
亭遙望海海上沉沉雲氣作將歸眷戀鍊丹泉向
暮徘徊飛鳥閣長旗映日遠悠悠駿馬踏塵驕躍
躍班荆恰匝具嘉肴携手慙慙盡清酌草間墮珥
及遺簪道上行歌或徒号俗登壽域寢明昌人上

春臺徧紛錯朱幡不是為遨嬉太守之心樂民樂

簾泉

明張詡

白雲絕頂有飛瀑大珠小珠落萬斛初疑銀漢瀉
九天又如環珮歸仙躅毛髮森然不敢留稍下百
步金石幽如將白練為簾箔高挂清虛之殿頭定
是天孫為紡績喚取鮫梭方織得風來不捲月不
鈎到地不收垂百尺我來手弄潺湲處青天白日
驚風雨何當飽嚼九節蒲捲簾飛挾蓬萊去

虹澗採蒲歌

梁有譽

一徑入松筠千穉餘洞壑雲氣相縈環山光自迴
薄巖前泉水涓涓流石上松子紛紛落就中幽景
何最竒百丈銀虹下寥廓銀虹洒落散明璣菖蒲
九節當春肥靈根竒卉不易得吾聞仙客持療肌
憶昔安期生冷蒲得道凌空飛至今玉鳥遺山下
往往神光橫翠微我本山中人石壁為窓雲作扉
一望仙風幾延佇擇蒲飲澗披林霏行尋仙子上
昇處滿地落花掃不去澗道陰陰山鳥啼恍惚似
聽山靈語嘯我非仙才安期去後誰復來玉烈洞

章嘆不識空餘石髓生塵埃手把菖蒲花長嘯拂
衣起蓬萊一謫今幾秋世人視我尋常耳我昔驂
鸞遊太清金闕瑤宮相對起玉女授我東方桃金
童食我韓衆李五芝三秀尚不論况復菖蒲那足
比此日食蒲憶太清服食何年羽翼成會須共約
安期子霧蓋霓裳朝玉京菖蒲正堪食採蒲還嘆
息仰招黃鶴鶴不來萬壑寒嵐生溟色蓬萊咫尺
不須愁玉禾珠艸當親植君不見安期生東海初
來人不識

遊蒲澗

黃榴

白雲生處有泉流瑩如碧玉涵清秋瓊崖瀉出翠
光冷簾垂百尺金石幽頌荆據勝列樽俎枕流漱
石雲同臥須臾蕩滌此煩襟驟驚七月寒生座飛
昇人遠空有臺藥爐丹竈俱塵埃三山杳冥在何
處人間勝地皆蓬萊我來正值西風起前度遊人
今老矣莫怪追惟咲語頻霞光掩映秋山裡

黃鑿

詞客幽栖碧水濱出門四望皆白雲喬松老鶴長
為主短劍寒檠湯作群蘭若當年疏石甃蒲香一

旦侵雲竇家家共吸學士泉
洞洞能令仙子瘦金
刹煙嵐為客開玉堂
風采嗣公來閒從方丈
窺青簡靜看名山點
綠苔幕府迥開巴蜀
後燈帷尚憶簾泉舊
聊將水調慰山靈莫
遣移文驚組綬分明
勝槩若相貽遮莫英
雄出有期風雲駿烈
雙龍合月旦高標百
世師水愈深兮山愈
峙德斯覲兮心斯醉
慚予偃蹇里中人忝
作鬱孤臺畔吏洛社
今隨杖履遊蒼蒼平
楚萬山秋摠衣一望
宮墻外北斗光芒天
際頭

五言律詩

送友人南歸

唐王貞白

南國菖蒲老知君憶釣船
離京近殘暑歸路有新
蟬峴首白雲起洞庭
新月圓若教吟興足
司笏是何年
登蒲澗寺
李群玉
行盡崎嶇路驚從汗漫
遊青天快眼客碧海
醒心秋便欲尋河漢
因之犯斗牛九霄身
自致何必遇浮丘

遊蒲澗梅花寺

明張詡

古刹白雲顛人從樹杪穿江山真在眼棟宇不知
年塔影連滄海泉聲徹九天紅塵飛不到誰別少

林禪

王漸遠

梅花舊名刹此日得相過地僻翠蘿合山深寒雨
多古碑還半蝕丹竈已傳訛惟有萑蒲艸春來綠

滿阿

梁有貞

古刹層崖上烟蘿鳥道通江山五嶺外風物九秋
中忍艸生虛壑靈泉落半空只疑天路近花雨散
微濛

黃在衮

步屨沿溪轉和風洒客襟烟沉低暮色雲起見蒲
陰瑞氣生靈壑踈鐘度晚林星河搖近砌冉冉洞
門深

楊瑞雲

聯鑣一涉澗得訪上仙都谷長千年薤溪翻九節
蒲碧山藏寺古白鶴逼霄呼聖跡原無定神遊跨
五湖

七言律詩

蒲澗

宋蘇軾

優鉢曇華豈有花問師此曲唱誰家已從子美識
桃竹更問安期覓棗瓜宴坐林間時有虎高眠粥
後不聞鴉勝遊自古兼支許為採松肪寄一車
不用山僧道我前自尋雲外出山泉千章古木臨
無地百尺飛濤瀉漏天舊日菖蒲方士宅後來蒼
荀祖師禪如今只有花含笑笑道秦王欲學仙

曾布

路入松青十里深澗蒲春水洗塵心欲尋九節和

金鼎更上千岑聽玉音處處豐年歌帝德多多醜
酒盞朋簪從來南粵山川勝好向鈴齋擁鼻吟
風暖郊原日正遲千門萬戶賞心期且吟樂府昇
平曲休賦將軍出塞詩醪酒偏宜人冠玉新花不
笑鬢垂絲王孫橋畔追遊侶醉卧芳茵未去時

劉克莊

齊人陳跡此流傳班史蘇詩豈必然故老皆言冢
即寺癡兒誤入海求仙莫將劉項分凌鼎來沈巢
由洗耳泉欲採菖蒲無覓處且隨簫鼓樂新年

朱師復

又見春風轉物華
旌旗十里卷朝霞
孤臣正泣龍鬚
艸
孛子爭簪鳳尾
花悠悠目送于飛
鷺
疊疊心憐彼
茁葭投老欲追
迹
世客強尋枯井
問丹砂

煉丹井

玉井金鑪跡已塵
蒲花滿眼對芳晨
仙翁跨鶴已天上
俗駕問津猶水濱
綺席半空雲作障
朱顏一笑酒生春
急流迴首終凡骨
蚤向江頭乞此身

滴水巖

連南夫

滴水巖高路欲窮
珮環聲響玉玲瓏
一天星斗墮青漢
萬斛珠璣瀉碧空
滄海逕歸朝大會
曹溪不隔本源通
何妨凝竚龕巖下
更沐如來灌頂功

簾泉

元張鎮孫

峇堯仙境倚層丘
百尺泠泠瀑素流
春長嫩莎成繡幕
夜留新月作瓊鈎
澗邊雲護千年蕪
岩底涼生六月秋
欲訪安期何處覓
藥爐丹竈且追遊

清明山行

陸 垕

自憐汨沒滯天涯
閑趁清明領物華
槐火取將初

試茗棟風吹盡更無花雲山石磴三千級嶺海春
城十萬家歸去越王臺下路鷓鴣聲斷夕陽斜

張仁偉

荔子懸林照眼紅溪流直與海波通千峯紫翠滄
茫外萬籟笙竽笑語中坐上高吟無客和醉來行
樂與人同清風披拂生秋意瘴雨蠻烟一掃空

明孫 蕡

安期臺下蓋珠宮舊雨題詩紫翠中午夜丹光虹
貫日四山松樹鶴呼風雲深洞口藏金母歲久林

楓化玉童吟客遠遊仙子去錦桃春晚為誰紅

碧虛觀

張 詡

觀在蒲澗上昔秦始皇遣人訪安期生於此
遺以玉舄

碧雲鎖斷此青山遙望琳宮杳靄間青牛過去遺
玄訣黃鶴歸來問大還却咲捕風貽玉舄何如束
帛走商山今人點檢前人事依舊邯鄲夢未闌

景泰山

在郡城北白雲山之右其上常有雲氣飛瀑

下注始有七仙人守其地後開山得石履古
鏡藏于寺中

七仙同坐一山中鏡履如今夢亦空芳草欲尋忠
簡跡白雲遙指梵王宮花開不省經年別人到惟
聞隔嶺鍾聞訊蒲庵也歸寂茶烟空擾佛燈紅

人日登山

王漸遠

人日登山興倍濃携壺無伴獨呼童葭灰已轉三
陽候雲樹猶含少女風海外烟波擊鳳鳥人間樓
館雜歌鍾吟餘掃石聊呼坐澗草叢花款醉容

同丁戊山人遊蒲澗寺

黎民表

青溪窈窕絕塵氛一派鈞天下界聞龍去不收千
日雨鶴來還動滿蹊雲山瓢祇獻長生酒石室應
藏內景文歸去幔亭何日到緘書先報武夷君

陳貴吾歐彥楨約遊玉鳥亭故址

弱水桑田更淺清殘碑猶自記嘉平青驃海上應
無迹玉鳥人間尚有名笙管御風迴鶴夢杉松將
雨雜鳶聲那堪采藥歸來晚夜夜東風憶五城

玉鳥軒

黃啓讓

頌德封禪擬太清琅琊臺畔侈端平已從西北尊
方士又向東南訪隱名玉鳥有軒留故址鑿輿無
地託遺聲至今人道神仙迹猶指張公渡故城
九節根深地轉賒鶴舒臺近梵王家林間碑刻多
漫泐石上雲霞幾歲華未約遠師遊白社却從勾
令覓丹砂登臨莫訝歸途晚天竺頻看散雨花

秋日遊蒲澗贈丁戊山人

梁有譽

紫巖曲曲隱晴天萬壑涼生珠箔前訪古時攀偃

蹇樹談虛獨飲清冷泉跡緣遁世尋三秀心為逃
名得四禪一自白雲飛去後來應是幾千年
礧道秋生松桂風泉聲飛下綠雲中何時天外招
黃鵠此日岩前者白虹露濕野壇丹井合苔昏荒
徑菊湖空興來負笈歸何處五嶽迢遙路不窮

遊菖蒲澗

唐守明

白雲自是神仙府懷古尋幽策馬來千丈飛泉天
際落幾重雲岫望中開菖蒲夜映芙蓉火紫氣時
浮鶴鶴臺此日登臨須盡興城頭笳鼓莫相催

陳萬言

策杖名山訪祝雞白雲仙子望中迷
萑蒲花發無人見芝朮陰穰有鳥啼
鴻寶秘書藏石室鶴臺清嘯對芳谿
飛泉灑作峰頭雨春入年年草自萋

蒲澗

張廷臣

飛瀑懸崖蒲葉青安期曾此躡瑤京
九霄長溢銀河色萬壑時聞玉珮聲
把酒涼風偏自至振衣炎夏有餘清
薜蘿久與紅塵遠猶為臨流一濯纓
遊蒲澗謁安期生祠 鄧時雨

千歲仙翁不可留澗邊堯韭帶長流
山曾鶴駕真人駐杖刻鳩形野客遊
象外霞標浮紫氣望中嵐起散清秋
當年玉鳥今何在漫道靈踪滿十洲
同閩黃全之黎惟敬陳思甫集蒲澗水簾洞

梁士楚

貝葉曇花滿四垞水光清照雨冷冷
諸天佛日浮僧刹兩地鄉雲聚使星
京塞遠愁春艸綠古今行色暮山青
扶筇且進東林酒不用逢人說獨醒

謁安期仙

畢于楨

轟轟竒峯鎖碧楸
安仙壇畔水悠悠
雲中笙鶴人何在
臺上松篁景自幽
一鳥高踪千載思
半輪明月萬山秋
聽來惟有孤猿嘯
風送寒聲到嶺頭

郭棨

秋入叢林木葉飄
安期一去竟難招
空傳澗畔留丹井
猶認天邊度石橋
百道飛泉三島近
兩厓花影二雲遙
霓裳玉鳥今何處
紺宇彤旂久寂寥

姚光泮

仙子何年此地遊
獨探靈岫事玄修
飡餘碧澗蒲仍在
煉就丹砂井尚留
飛鳥久隨黃鶴去
竒踪長共白雲浮
徘徊岩下瞻依切
便欲乘風跨十洲

立春日蒲澗寺遣興寄上人

唐守敬

來往名山少定蹤
嘉辰晴色隱房櫳
曇花古佛留金刹
芳草何人駐玉驄
茗椀清泉分石隙
水盤春菜出城東
等閒更乞藏書地
寄興先憑報已公
從黃泰泉先生酌于蒲澗寺得臺閒二韻

梁紹棗

山椒遊目絕氛埃日麗扶桑徧九垓百粵地形當
檻入二雲春色自天來玄心寥廓空門迥像教禪
那淨刹開頓悟真如超十地不知仙梵起孤臺
佳晨幽興自閑閑賓從招携盡解顏蒲葉翠從清
澗合松花香逐玉卮還韶光淑氣侵霞袂雅詠高
吟對碧山南國不妨行樂早賢聲多在紫宸班

蒲澗寺

杜漸

滿目雲山一澗橫青青蒲葉為誰榮臺無棋局知
何去地有靈踪得勝名九骨每愁為俗累仙風長
挹對秋清歲時禱嗣多徵應共識君心最好生

鄧于蕃

千仞靈岩倚壁開上方仙子有樓臺曾聞飛鳥天
邊去更道乘槎海上来曲徑就荒蒼蘚合空門深
鎖白雲堆霓裳未必無消息時有遊人望氣回

黃在棗

冷冷寒冽浸芳陂中產菖蒲節節竒寺古梵音飄
下界日斜旂影度高枝班荆籍草聊坏飲擘桂茹

芝陟岳期此去只憑雙蠟屐欲將心事問希夷

尋安期岩

李時郁

安期岩上雨初收鶴舒臺前翠欲流堯韭帛糧溪
轉寂琪花瑤艸洞長幽石因竒絕元章拜竹為清
虛蔣詡留况有琴尊供逸興逢人何必問丹丘

鍾昌辰

孤根翠峯片雲懸支杖追從紫翠巔萬壑烟花春
正媚二儀風霧晝相連喜逢閩外青牛度會見山
中白鶴旋共詫青牛元不偶雲駮誰許馭壺天

李需光

隱隱梵宮控遠岑青蒲披徑最幽森雲連古寺鍾
初定雨歇空門客正臨紫氣鬱葱浮法界曇花紛
簇散琪林與僧掃石談三昧萬壑烟含日欲曛

梁子壽

玉削芙蓉仄徑懸蓋宮猶在翠微巔松風蕭颯蛇
龍吼城郭委蛇堞雉連賣藥昔年騎鶴去採芝何
日駕騾旋躋攀不淺東山興一醉相携眺遠天
春望千山紫翠重丹梯璀璨白雲中地分牛女星

躔麗天入交南蜃氣濛金檢乍探心自遠丹書同
訪思何窮江湖廊廟堪招隱恠石先題過客蹤

五言絕句

安期飛昇臺

張詡

白日登宸去三珠幾度花秦皇無覓處第見棗如

瓜

水簾洞

王弘誨

萬簇瀉珠箔涓涓下翠岑臨流共容與誰識濯纓

心

七言絕句

宋郭祥正

菖蒲澗中蒲九節流水遂作菖蒲香安期服之已
仙去謾說雙鳥留秦皇

季陵

飛泉一派木千章九節菖蒲澗底香拔宅不留雞
犬在至今無處問仙方

方信孺

天半飛濤六月寒蒼崖壁立互回環從今好事能

題品列作南中第一山

懸鐘

絕壁初無路可通
何人特地鑄金鐘
神踪底處應難詰
彈落餘聲和澗松

明黃瑜

巖上松雲颺日華
巖前瑤州雜琪花
祇應老鶴三千歲
曾見丹光化紫霞

王漸逵

九節菖蒲生澗烟
人傳此地駐飛仙
何當共覓安

期跡數到秦皇漢武年

第一峰頭色相真
泉公羽書院倍嶙峋
相期杖屨紅塵外
共酌清源卧白雲

尋安期生飛昇處

梁柱臣

安期仙隱白雲隈
石室丹爐鎖碧苔
一自仙蹤霞舉後
白雲長繞鶴舒臺

賣藥仙翁去不還
空留靈蹟在人間
相逢莫問如瓜棗
九節菖蒲可駐顏

月溪

出亂石山之陽石山一名紫雲今有月溪寺

五言古詩

亂石山

即紫雲

杜審言

漲海即溪天群山高業地相傳稱亂石圖典失其
事懸危悉可驚大小都不類乍將雲島極還與星
河次上聳忽如飛下臨仍欲墜朝暎施丹紫交魄
烟青翠穹崇霧雨蓄幽隱靈仙閔萬尋掛鶴巢千
丈垂猿臂昔去景風殊今來姑洗至觀此遂有得
詠詩長相異

七言律詩

宿月溪寺

王漸逵

自慚踪跡混塵寰暫借禪關為浣顏
結習未消花故著撲緣遙省意相閑
好賢法遠溪三過多病維摩室本間
獨倚雲根成一咲滿潭雲月印前山

歸月溪草堂

李時郁

忽憶青山偶獨歸白雲山口行人稀
桃花半開向客笑野鶴起舞曳人衣
年華冉冉付流水世事悠悠空掩扉
却憐松竹偃高蓋坐抱瑤琴對落暉

從王忠銘宗伯遊月溪

梁子壽

月溪烟樹迤相望白馬何年到上方
洞壑曉生雲氣濕桂蘭春長露華蒼
璣璇北斗三台近溟渤東南王氣長
自忝鄭莊門下士聊隨稅駕駐僧房

集古律詩

宿月溪寺

杜漸

月照青山松栢香

盧

綸孤吟一夜遠公房

羅

鄴

酒醒蘚砌花陰轉

鄭

谷枕繞泉聲客夢涼

杜

牧

潘賦登山魂易斷

王

初曇摩泛海路空長

沈

佺期

我来可要禅师老方干此世惟师性亦忘姚合



